

百衲本

元史

明·宋濂等撰

國家圖書館出版社

4



百衲本

元史

明·宋濂等撰

4

國家圖書館出版社



列傳卷第四十一

元史一百五十四

翰林學士兼知制誥修國史宋通判林特制承旨知制誥國史院修纂

洪福源 佚奇 君祥 萬

洪福源其先中國人唐遣才子八人往教高麗洪其一也子孫世貴於三韓名所居曰唐城父大宣以都領鎮麟州福源為神騎都領因家焉歲丙子金源契丹九萬餘衆窺入高麗丁丑九月奪江東城池援之戊寅冬十二月太祖命哈赤吉扎刺將兵追討大宣迎降與哈赤吉等共擊之降其元帥趙忠壬午冬十

元史列傳卷四十一

王景章

月又遣着古與等十二人窺覘納款賂賈還遇害辛卯秋九月太宗命將撒里答討之福源率先附州縣之民與撒禮塔併力攻未附者又與阿兒禿等進至王京高麗王暉乃遣其弟懷安公請降遂置王京及州縣達魯花赤七十二人以鎮之師還壬辰夏六月高麗復叛殺所置達魯花赤悉驅國人入據江華島福源招集北界四十餘城遺民以待秋八月太宗復遣撒禮塔將兵來討福源盡率所部合攻之至王京處仁城撒禮塔中流矢卒其副帖哥引兵還唯福源留屯癸巳冬十月高麗悉衆來攻西京屠其民劫大

宣以東福源遂盡以所招集北界之衆來歸處於遼

陽瀋陽之間帝嘉其忠甲午夏五月特賜金符為管領歸附高麗軍民長官仍令招討本國未附人民又降旨諭高麗之民有執王暉及元構難之人來朝者與洪福源同於東京居之優加恩禮擢用若大兵既加拒者死降者生其降民令福源統之乙未帝命唐古拔都兒與福源進討攻拔龍崗咸從二縣鳳海洞三州山城及慈州又拔金山歸信昌朔州己亥春二月入朝賜以鎧甲弓矢及金織文段金銀器金鞍勒等乙巳定宗命阿母罕將兵與福源共拔威州平虜

元史列傳卷四十一

王景章

城辛亥憲宗即位改授虎符仍為前後歸附高麗軍民長官癸丑從諸王耶虎攻禾山東州春州三角山楊根天龍等城拔之甲寅與扎刺台合兵攻光州安城忠州玄鳳珍原甲向玉果等城又拔之戊午福源遣其子茶丘從扎刺台軍會高麗族子王縛入質陰欲併統本國歸順人民諸福源于帝遂見殺年五十三後贈嘉議大夫瀋陽侯謚忠憲子七人俊奇君祥景知名

俊奇小字茶丘福源第二子也幼從軍以驍勇受知世祖嘗以小字呼之中統二年秋茶丘雪父冤世祖

憫之詔諭之曰汝父方加寵用誤結刑章故於已廢之中庸沛維新之澤可就帶元降虎符襲父職管領歸附高麗軍民總管至元六年高麗權臣林衍叛冬十一月詔以其軍三千從國王頭輦哥討平之遷江華島所有臣民復歸王京十二月帝命茶丘率兵往鳳州等處立屯田總管府八年二月入朝賜鈔百緡林衍餘黨裴仲孫等立高麗王禎親屬承化侯爲王引三別抄軍據珍島以叛五月茶丘奉旨偕經略使欣都進兵討之破其軍殺承化侯其黨金通精率餘衆走耽羅帝遣侍衛親軍千戶王岑與茶丘議征取

元史列傳卷四十五

三

之策茶丘表陳通精之黨多在王京可使招之招而不從擊之未晚從之俄奉旨往羅州道監造戰船且招降耽羅茶丘得通精之姪金永等七人俾招之通精不從留金永餘盡殺之十年詔茶丘與欣都率兵渡海擊破耽羅獲通精殺之悉免其脅從者高麗始平十一年又命監造戰船經營日本國事三月授昭勇大將軍安撫使高麗軍民總管如故己卯命茶丘提點高麗農事八月授東征右副都元帥與都元帥忽敦等領舟師二萬渡海征日本拔對馬一岐耳巒等島十四年正月授鎮國上將軍東征都元帥鎮高

麗二月率蒙古高麗女直漢軍從丞相伯顏北征叛臣只魯瓦牙等四月至脫刺河猝與賊遇茶丘突陣無前伯顏以其勇聞賜白金五十兩金鞍勒弓矢十七年授龍虎衛上將軍征東行省右丞十八年與右丞欣都將舟師四萬由高麗金州合浦以進時右丞范文虎等將兵十萬由慶元定海等處渡海期至日本一岐平戶等島合兵登岸兵未交秋八月風壞舟而還十九年十月命茶丘於平瀾黑堀兒監造戰船七百艘以圖後舉二十一年十一月復授征東行省右丞二十三年命往江浙等處遣漢人復業二十四

元史列傳卷四十五

四

年乃顏叛車駕親征賜以翎根甲寶刀命率高麗女直漢軍扈從猝遇乃顏騎兵萬餘時茶丘兵不滿三千衆有懼色茶丘夜令軍中多裂裳帛爲旗幟斷馬尾爲旄掩映林木張設疑兵乃顏兵大驚以爲官兵大至遂降帝聞之厚加旌賞凱還授遼陽等處行尚書省右丞二十七年以疾辭叛王哈丹等竄入高麗侵撓其國西京距遼陽二千里皆騷動中書省特起茶丘鎮遼左帝遣閭里台孛羅兒賜以金字圓符命茶丘以便宜行事二十八年以疾卒年四十八子四人長曰萬

君祥小字雙叔福源第五子也年十四隨兄茶丘見世祖于上京帝悅命劉秉忠相之秉忠曰是兒目視不亢後必以功名顯但當致力千學耳令選師儒誨之至元三年籍高麗民三百人爲兵令君祥統之從禿花禿烈伯顏等軍築萬壽山復從開通州運河帝親諭之曰爾守志忠勤朕所知也帝嘗坐便殿閱江南海東輿地圖欲召知者詢其險易左丞相伯顏樞密副使合達以君祥應旨奏對詳明帝悅酌以巨觥顧謂伯顏曰是兒遠大器也六年林衍叛從頭輩哥征之八年戍河南九年掠淮西破其大凹城十年從

元史列傳卷四十一

五

元帥李魯罕襲淮東之陽湖俘其男女牛馬十一年入朝帝命伯顏伐宋朝議以宋之兵力多聚兩淮聞我欲渡江彼必移師拒守遂命右衛指揮使禿滿弓率輕銳二萬攻淮安以牽制之君祥以蒙古漢軍都鎮撫從行後伯顏既渡江帝命禿滿弓還軍蕭縣時君祥奉使伯顏軍中宋黃州制置使陳奕降其子知漣水軍伯顏遣三十騎往招之因令君祥入奏帝曰卿可急還陳知府降即偕來也及與俱入朝宴勞甚厚從元帥李魯罕攻清河援之海州安撫丁順約降李魯罕令君祥以聞時伯顏方朝上京見君祥甚喜

遂從南伐伯顏克淮安至揚州分兵攻淮西宋制置夏貴遣牛都統以書抵伯顏曰諺云殺人一萬自損三千願勿廢國力攻奪邊城若行在歸附邊城焉往伯顏遣君祥以牛都統入見留三日還軍中仍傳旨諭伯顏曰事難遲度宜臨機審圖之伯顏師次鎮江諜報有宋洪都統者爲都督府將伯顏謂君祥曰汝同姓可往招致也洪都統即欣然來見君祥因厚遇之師進次臨平山距臨安五十里洪都統來報曰宋丞相陳宜中殿帥張世傑皆已逃去惟三宮未行宜早定計以活生民伯顏遂令洪都統護宋三宮令君

元史列傳卷四十一

六

祥隨之宋降陞武略將軍中衛親軍千戶十五年命僉江南民兵還陞明威將軍中衛親軍副都指揮使十七年進昭勇大將軍十九年授樞密院判官二十年轉昭武大將軍同僉樞密院事二十四年乃顏叛從世祖親征每駐蹕君祥輒以兵車外環爲營衛布置嚴密帝嘉之凱還加輔國上將軍類次車駕起居爲東征錄二十八年授遼陽行省右丞用樞密院留復居舊職俄加集賢大學士依舊同僉樞密院事議者欲自東南海口辛橋開河合灤河運糧至上都奉旨與中書右丞阿里相其利害還極言不便罷之

復奉使高麗還改僉書樞密院事成宗即位詔裁減
久任官知樞密院暗伯等奏君祥在樞密十六年最
爲久者帝曰君祥始終一心可勿遷也大德二年詔
使高麗臺臣劾君祥以他事中道追回已而事罷三
年奉使江浙問民間疾苦使還居昌平之皇華山
絕口不論時事者五年大德九年擢司農俄拜中書
右丞十年春改江浙行省右丞秋改遼陽右丞請於
朝宜新省治增巡兵設儒學提舉官都鎮撫等員以
興文化修武備事未成會武宗即位徵爲同知樞密
院事進榮祿大夫平章政事商議遼陽等處行中書

元史列傳卷四十一

七

友仁

省事改遼陽行省平章政事俄改商議行省事至大
二年卒子邁奉訓大夫同知開元總管府事

萬小字重喜至元十三年入宿衛十八年襲職爲懷
遠大將軍安撫使高麗軍民總管仍佩父茶丘所佩
虎符二十四年乃顏叛率兵征之六月至撒里秃魯
之地同都萬戶關里鐵木兒與乃顏將黃海戰大敗
之又從世祖與塔不台戰又敗之是月至乃顏之地
奉旨留蒙古女直漢軍鎮哈刺河復選精騎扈駕至
失刺幹耳朶從御史大夫玉速帖木兒討乃顏七月
至扎刺麻秃與金家奴戰敗之追至蒙可山那兀江

等處遂平金家奴塔不台等九月師還哈丹八刺哈
赤再叛十月重喜從諸王愛牙哈赤平章塔出都萬
戶關里鐵木兒征之十二月次木骨不刺時諸王脫
歡監司脫台以兵四千餘人與其黨戰稍却重喜率
騎兵援之冒鋒陷陣大破其衆又從諸王乃蠻愛牙
哈赤平章薛閣干與叛王兵戰于兀米站又戰于黑
龍江又戰于貼滿哈處皆敗之二十五年重喜又從
玉速帖木兒出師五月至貼列可與哈丹秃魯干戰
獲功至木骨兒抄刺又戰八月至貴列河重喜率兵
先涉與戰勝之十月又從玉速帖木兒征木八蘭

元史列傳卷四十一

八

友仁

十二月與古土秃魯干戰克之二十七年六月賜白
金五十兩甲一襲九月至禪春與哈丹秃魯干戰二
十八年二月從平章薛閣干至高麗青州五月與哈
丹戰八日又戰大敗之六月班師授昭勇大將軍佩
三珠虎符職如故十月薛閣干以重喜入朝且以其
功聞帝嘉之賜玉帶一白金五十兩授龍虎衛上將
軍遼陽等處行中書省右丞二十九年仍佩元降虎
符總管高麗女直漢軍萬戶兼安撫使高麗軍民總
管六月改資德大夫遼陽等處行中書省右丞大德
十年以其叔父君祥代之十一年武宗即位重喜朝

于上都七月復授遼陽行省右丞至大二年謫漳州行至杭遇赦而止明年卒子滋襲爵

鄭鼎

鄭鼎澤州陽城人幼孤能自立讀書曉大義不妄言笑既長勇力過人充善騎射初為澤潞道沁千戶歲甲午從塔海紺不征蜀攻二里散關屢立戰功還屯秦中未幾宋將余侍郎燒絕棧道以兵圍興元鼎率衆修復之破宋兵解興元之圍乙巳遷陽城縣軍民長官庚戌從憲宗征大理國自六盤山經臨洮下西蕃諸城抵雪山山徑盤屈舍騎徒步背負憲宗以

元史

元史列傳卷四十一

九

張周士

行敵據扼險要鼎奮身力戰敵敗北帝壯之賜馬三匹至金沙河波濤洶湧帝臨水傍危石立馬觀之鼎諫曰此非聖躬所宜親扶下馬帝嘉之俄圍大理晝夜急攻城陷禽其主大理平師還命鼎居後道經吐蕃全軍而歸辛亥入朝帝問以時務鼎數對詳明帝嘉納之賜名曰也可拔都已未賜白金千兩從世祖南伐攻大勝關破之繼破臺山寨禽其守者胡知縣乘勝獨進前陷泥淖遇伏兵突出蔑蔑間鼎奮擊連殺三人餘衆遁去帝急召鼎還使者以聞帝曰為將當慎重不可恃勇輕進遂分界衛士三百人以備不

四

元史列傳卷四十一

十

張周士

虞且戒之曰自今非奉朕命毋得輕與敵接秋九月帝駐蹕江游命諸將南渡先達彼岸者舉烽火為應鼎首奪南岸衆軍畢渡進圍鄂州戰益力別攻興國軍遇宋兵五千人戰破之擒其將桑太尉貴以儒怯不忠所事斬之中統元年以功遷平陽太原兩路萬戶阿蓋蒼兒渾都海之亂鼎分率本道兵討之二年詔鼎統征西等軍戍雁門關隘遷河東南北兩路宣撫使三年改授平陽太原宣慰使至元三年遷平陽路總管是歲大旱鼎下車而兩平陽地狹人衆常乏食鼎乃導汾水溉民田千餘頃開潞河鵬黃嶺道以

章政事柱國追封潞國公謚忠肅子制宜

制宜小字納懷性聰敏莊重有器局通習國語至元十四年襲父職太原平陽萬戶仍戍鄂州時鄂關守俾攝府事十九年朝廷將征日本造樓船何家洲洲地狹衆欲徙旁居民制宜不從改授寬地居民德之城中屢災或言于制宜曰恐姦人乘間爲變宜捕其疑似者痛治之制宜曰吾但嚴守備而已柰何濫及無辜不咎一人災亦遂息有盜伏近郊晨暮剽劫流言將入城俄有數男子自城外至顧盼異常制宜命吏縛入獄問之無驗行省疑其非將釋之不從明日

元史列傳卷四十一

王浩卿

再出城東遇一人乘白馬貌服殊異制宜叱下訊之乃與前數男子同爲盜者遂正其罪一郡帖然二十四年扈駕東征乃顏請赴敵自效帝顧左右曰而父歿王事惟有一子母使在行陣制宜請愈力乃命從月兒呂那顏別爲一軍以戰功授懷遠大將軍樞密院判官明年車駕幸上都舊制樞密院從行歲留一員司本院事漢人不得與至是以屬制宜制宜遜辭帝曰汝豈漢人比耶竟留之二十八年遷湖廣行省參知政事陞辭帝曰汝父死王事實未汝及近者要束木伏誅已籍沒其財產人畜汝可擇其佳者取之

制宜對曰彼以賊敗臣復取之寧無污乎帝賢其所守賜白金五千兩未幾徵拜內臺侍御史安西舊有牧地圍人恃勢冒奪民田十萬餘頃訟于有司積年不能理制宜奉詔而往按圖籍以正之訟由是息三十年除湖廣行樞密副使湖南地闊遠群寇依險出沒昭賀二州及廬陵境民常被害制宜率偏師徇二州道經廬陵永新獲首賊及其黨皆殺之茶鄉譚計龍者聚惡少年匿兵器爲姦既捕獲其家納賂以緩獄事制宜悉以勞軍斬計龍于市自是湖以南無復盜賊元貞元年有制行樞密院添置副使一員與制

三十九

元史列傳卷四十一

十一

王

宜連署制宜以員非常設先任者當罷俄入朝特授大都留守領少府監兼武衛親軍都指揮使知屯田事大德八年晉地大震平陽尤甚壓死者衆制宜承命存恤懼緩不及事晝夜倍道兼行至則親入里巷撫瘡殘給粟帛存者賴之成宗素知其名眷遇殊厚每侍宴輒不敢飲終日無惰容帝察其忠勤屢賜內醢輒持以奉母帝聞之特封其母蘇氏爲潞國太夫人十年制宜以疾終年四十有七贈推忠贊治功臣銀青榮祿大夫平章政事追封澤國公謚忠宣子阿兒思蘭嗣

李進

李進保定曲陽人幼隸軍籍初從萬戶張柔屯杞之三义口時荆山之西九十里曰龍岡者宋境也歲庚戌春張柔引兵築堡岡上會淮水汎漲宋以舟師卒至主帥察罕率軍逆戰進以兵十五人載一舟轉鬪十餘里奪一巨艦遂以功陞百戶戊午憲宗西征丞相史天澤時為河南經略大使選諸道兵之驍勇者從遂命進為總把是年秋九月道由陳倉入興元度米倉關其地荒塞不通進伐木開道七百餘里冬十一月至定遠七十關其關上下皆築連堡宋以五百

元史列傳卷四十一

十三

明洪武

人守之巴渠江水環堡東流天澤命進往關下說降之不從進潛視間道歸白天澤曰彼可取也是夜二鼓天澤遣進率勇士七十人掩其不備攻之脫門樞而入者二十人守門者覺拔刀拒之進被傷不以為病懸門俄開諸軍不得入進與二十人力戰殺傷三十人後兵走上堡進乃毀懸門納諸軍追至上堡殺傷益衆宋兵不能敵棄走夜將旦進遂得其堡守之關路始通諸軍盡度進以功受上賞己未春二月天澤兵至行在所圍合州釣魚山寨夏五月宋由嘉陵江以舟師來援始大戰三槽山西六月戰山之東有

功秋七月宋兵戰艦三百餘泊黑石峽東以輕舟五十為前鋒北軍之船七十餘泊峽西相距一里許帝立馬東山擁兵二萬夾江而陣天澤乃號令於衆曰聽吾鼓視吾旗無少怠也頃之聞鼓聲視其旗東指諸軍遂鼓譟而入兵一交宋前鋒潰走戰艦繼亂順流縱擊死者不可勝計帝指顧謂諸將曰白旗下朕紅半臂突而前者誰也天澤以進對賞錦衣名馬八月又戰浮圖關前後凡五戰皆以功受上賞世祖即位入為侍衛親軍中統二年宣授總把賜銀符三年從征李璫有功至元八年領兵赴襄陽十二年從略

元史列傳卷四十一

十四

明洪武

地湖北湖南宋平以兵馬使分兵屯鄂州十三年領軍二千屯田河西中興府十四年加武略將軍陞千戶十五年移屯六盤山加武毅將軍賜金符十七年陞明威將軍管軍總管十九年賜虎符復進懷遠大將軍命屯田西域別石八里二十三年秋海都及篤娃等領軍至洪水山進與力戰衆寡不敵軍潰進被擒從至撿八里遁還至和州收潰兵三百餘人且戰且行還至京師賞金織紋衣二襲鈔一千五百貫二十五年授蒙古侍衛親軍都指揮使司僉事明年改授左翼屯田萬戶元貞元年春卒子雲襲授武德將

軍左翼屯田萬戶佩虎符皇慶二年加宣武將軍延祐六年仁宗念其父進嘗北征被掠特賜宴中統鈔五百錠以恤之泰定元年春以疾辭子朵耳只襲

石抹按只

石抹按只契丹人世居太原父大家奴率漢軍五百人歸太祖歲戊午按只代領其軍從都元帥紐璘攻成都時宋兵聚於虛泉按只以所部兵與戰大敗之殺其將韓都統又從都元帥按敦攻瀘州按只以戰艦七十艘至馬湖江宋軍先以五百艘控扼江渡按只擊敗之時宋兵於沿江撤橋據守按只相地形造

元史

元史列傳卷四十一

主

易甲步

浮橋師至無留行宋欲撓其役兵出輒敗自馬湖以達合江涪江清江九立浮橋二十餘所及四川平浮橋之功居多己未宋以巨艦載甲士數萬屯清河浮橋相距七十日水暴漲浮橋壞西岸軍多漂溺按只軍東岸急撤浮橋聚舟岸下士卒得不死又援出別部軍五百餘人先鋒奔察火魯赤以聞憲宗遣使慰諭賞賜甚厚叙州守將橫截江津軍未得渡按只聚軍中牛皮作渾脫及皮船乘之與戰破其軍奪其渡口為浮橋以濟師中統三年授河中府船橋水手軍總管佩金符以立浮橋功也至元四年從行省也速

元史

元史列傳卷四十一

十六

楊中修

帶兒攻瀘州按只以水軍與宋將陳都統張總制戰于馬湖江按只身被二創戰愈力敗之六年正月也速帶兒領兵趨瀘州遣按只以舟運其器械糧食由水道進宋兵復扼馬湖江按只擊敗之生獲四十人奪其船五艘復以水軍一千運糧於眉簡二州軍中賴之九年從征建都蠻歲餘不下按只先登其城力戰遂降之軍還道病卒行省承制以其子不老代領其軍不老從攻嘉定以巨艦七十艘載勇士數千人據其上流於府江紅崖灘造浮橋以渡十二年嘉定降宋將鮮于都統率眾遁不老追至大佛灘盡斃之行院汪田哥攻取紫雲瀘叙等城不老功最多及諸軍圍重慶不老先以戰艦三百艘列陣於觀灘絕其走路十三年領隨翼軍五百人會招討藥刺海堅柵於白水江岸以為備不老乘夜襲宋軍直抵重慶城下攻千斯門宋軍驚潰溺死者眾生擒三十餘人獲其旗幟甲仗以獻宋涪州守將率舟師來援不老擊敗之於廣陽坝生獲六十餘人奪其船十艘十四年從攻瀘州不老勒所部兵攻神臂門蟻附以登斬首五十級明日復戰破之十五年復攻重慶太平門不老先登殺其守裨卒數十人宋都統趙安以城降總

管黃亮乘舟遁不老追擒之及其兵士五十人奪戰艦五十艘十六年命襲父職爲懷遠大將軍船橋軍馬總管更賜金虎符兼夔路守鎮副萬戶十八年大小盤諸峒蠻叛命領諸翼蒙古漢軍三千餘人戍施州旣而蠻酋向貴擅用等降其餘峒蠻之未服者悉平遂以爲保寧等處萬戶

謁只里

謁只里女直人也大父昔寶味也不干登金進士第金亡歸太宗謁只里幼穎悟能記誦及長以孝友聞事世祖潛邸得備宿衛中統初命參議陝西行樞密

三百八十二

元史列傳卷四十一

十七

車務

院事以商挺佐之比行入奏曰關陝要地軍務非輕阿脫仰刺國之元臣陛下委任之伏慮臨時議論不協必誤大計儻有異同臣請得以上聞帝可其奏賜宴而遣之未幾改行省斷事官復入宿衛李璫平朝議選宿衛之士監漢軍謁只里佩虎符監軍於毗陽至元七年命爲監戰以所領諸軍圍襄陽築一字堡以張軍勢一時名將唆都劉國傑李庭等皆隸麾下攻樊城率其軍先登破之所受賞賜悉分將士十一年從丞相伯顏次郢州將數騎而出與宋兵遇有部卒墮馬爲其所得謁只里單騎橫戈直入其軍取

之以還因殺獲四人時糧儲不繼諸將以爲憂謁只里乃西攻江陵龍濟堡取其粟萬石衆賴以濟元兵東下宋將夏貴迎戰於陽邏伏伯顏未至衆欲少俟之謁只里曰兵貴神速機不可失宜及其未定而擊之遂直前衝貴軍獲戰船百餘貴敗走伯顏上其功加定遠大將軍十二年攻常州謁只里造雲梯繩橋以登遂克之奉省檄徇安吉諸州皆下十三年宋降伯顏命謁只里監守其官號令嚴肅秋毫無犯入朝錄功遷昭勇大將軍未幾拜鎮國上將軍浙東宣慰使鎮守紹興十九年卒年四十二子亦老溫襲爲萬戶累遷江東廉訪使脫脫淮東宣慰使

三百八十三

元史列傳卷四十一

十八

子亦老

鄭溫

鄭溫真定靈壽人初從中書粘合南合南征有功爲合必赤千戶從丞相史天澤爲新軍萬戶鎮撫憲宗征西川溫四月不解甲天澤以溫見具言其功帝曰朕所親見也賜名也可拔都賞以鞍勒還至閬州奉旨分軍守邏青居釣魚等山天澤命溫統四千人警邏釣魚山中統元年佩金虎符爲總管三年李璫叛詔溫以軍還討至濟南大軍圍其城賊將楊拔都等乘夜斫營溫力戰至黎明賊退諸王哈必赤丞相史

天澤厚賞之七月城破命溫率兵三千往定益都以功復受上賞命爲侍衛親軍總管至元六年進懷遠大將軍右衛副都指揮使九年詔溫統蒙古漢人女真高麗諸部軍萬人渡海征耽羅平之十二年陞右衛親軍都指揮使率三衛軍萬人從攻岳州江州沙市潭州皆有功平章阿里海涯賞銀十錠十四年入朝遷昭勇大將軍樞密院判官十八年改輔國上將軍江淮行省叅知政事杭民飢出米二十萬石糴之俄賜以常州官田三十頃二十二年召還二十三年陞江浙左丞命以新附漢軍萬五千於淮安雲山泉塘立屯田二十八年卒年八十一子欽利用監丞鈺推茶都運使銓右衛親軍千戶鑄袁州路判官

元史列傳卷四十一

十九

王十人

列傳卷第四十一

列傳卷第四十二

元史一百五十五

翰魯嘉泰初制諸蕃國更吳淞新林制水都周知制翼國院修官是奉勅修

汪世顯 懷良臣 惟正

汪世顯字仲明肇昌鹽川人系出旺古族仕金屢立戰功官至鎮遠軍節度使肇昌使宜總帥金平郡縣望風欵附世顯獨城守及皇子闕端駐兵城下始率衆降皇子曰吾征四方所至皆下汝獨固守何也對曰臣不敢背主失節耳又問曰金亡已久汝不降果誰爲耶對曰大軍迭至莫知適從惟殿下仁武不殺竊意必能保全

元史列傳卷四十二

一

起

圍城軍民是以降也皇子大悅承制錫世顯章服官從其舊即從南征斷嘉陵橋大安田楊諸蠻結陣迎敵世顯以輕騎馳撓之宋曹將軍潛兵相爲犄角世顯單騎突之殺數十人黎明大軍四合殺其主將入武信遂進逼資普軍諒萌宋將依山爲柵世顯以數騎往奪之乘勝定資州略嘉定峨眉進次開州時方涪潦由間道攀緣以達宋軍屯萬州南岸世顯即水北造船以疑之夜從上游鼓革舟聲破之宋師大擾追奔至夔峽過巫山與宋援軍遇斬首三千餘級明年師還攻重慶會大暑乃罷歸觀太宗錫金符易其

名曰中山且歷數其功世顯拜謝曰此皆聖明福德所致臣何預焉辛丑蜀帥陳隆之貽書請戰聲言有衆百萬皇子集諸將議之咸謂隆之可生擒也世顯曰顧臨敵何如無庸諍辭爲軍薄成都隆之戰屢却堅壁不出其部曲田顯約夜降隆之覺之世顯曰事急矣亟梯城入救顯得與從者七十餘人出獲隆之斬之世顯復簡精銳五百人擣漢州州兵三千出戰城閉盡沒三日大軍薄其城又三日克之癸卯春皇子第功承制拜便宜總帥秦鞏等二十餘州事皆聽裁決賜虎符錦衣玉帶世顯先已違疾至是加劇皇

元史列傳卷四十二

二

孟昶

子遣醫絡繹往療竟不起年四十九中統三年論功退封隴西公謚義武延祐七年加封隴右王子七人忠臣鞏昌便宜副總帥次德臣次直臣鞏昌中路都總領歿於王事次良臣次翰臣與魯兵馬都元帥佐臣鞏昌左翼都總領歿於王事清臣四川行樞密院副使

德臣賜名田哥字舜輔年十四侍太子游獵矢無虛發鞏昌等二十四路便宜都總帥從征蜀將前軍出忠涪所向克獲進攻運山率麾下先所乘馬中飛石死於戰援外城宋將余玠攻漢中德臣馳赴之玠

聞遁去憲宗素聞其名及入覲所陳悉嘉納賜印符命城沔州沔據嘉陵要路德臣繕治室廬部署官屬數日而集進攻嘉定敵潛軍夜出德臣迎戰殺百人還至左綿雲頂宋軍乘夜斫營覺之殺千人生擒百人進次隆慶宋軍仍夜出與力戰盡殺之及馬漕溝遇伏兵與戰獲其統制羅廷鶚又詔德臣城益昌諸戍皆聽節制世祖以皇弟有事西南德臣入見乞免益昌賦稅及徭役漕糧屯田爲長久計並從之即命置行部于鞏立漕司于沔通販鬻餽餉奏乞以兄忠臣攝府事使已得專事益昌益昌爲蜀喉襟蜀人

元史列傳卷四十二

三

世宗

憚其威名諸郡環視莫敢出關甲寅春早嘉陵漕舟水溢議者欲棄去德臣曰國家以蜀事託我有死而已奈何棄之盡殺所乘馬饗士餼嘉川得糧二千餘石雲頂呂遠將兵五千邀戰即陣擒之復得糧五千石既而魚關金牛水陸運偕至屯田麥亦登食用遂給夏獲宋提轄崔忠鄭再立縱令持檄諭苦竹守將南清以城降所俘城中民悉歸之東南戍卒數百有去志德臣揣知之給券縱去皆泣謝未幾山寨相繼輸款宋將余晦遣都統甘閏以兵數萬城紫金山德臣即選精卒銜枚夜進大破之閏僅以自免南清北

觀其下殺清妻子以叛蜀將焦達領兵餉之德臣擊敗達盡獲所餉資糧冬蜀兵二萬復至又敗之獲糧百餘艘魚關至汚水迂回為渡百有八至是悉為橋梁戊午歲帝親征次漢中德臣朝行在所初諸路軍成都梓為宋人所圍德臣遣將赴之約曰先破敵者奏領此城圍遂解詔候江南事定如約以城與之帝幸益昌駐北山謂德臣曰來者言汝立利州之功今見汝身甚小而膽甚大不知敵曾薄汝城否德臣對曰賴陛下洪福未嘗一來帝曰彼憚卿威名耳賜金帶且俾立石紀功嘉陵白水交會勢洶急帝問船幾

三十一

元史列傳卷四十二

四

五

何可濟德臣曰大軍百萬非可淹延當別為方略即命擊舟為梁一夕而成如履坦途帝顧謂諸王曰汪德臣言不虛發賜白金三十斤仍命刻石紀功苦竹既逆命至是攻之巖壁峭絕或請建天橋帝以問德臣曰臣知先登陷陣而已建橋非所知也既而橋果無功乃率將士魚貫而進帝望見歎曰人言其膽勇豈虛譽邪宋將趙仲武納欵而楊禮猶拒戰奮擊盡殺之德臣微疾帝勞之曰汝疾皆為我家飲以葡萄酒解王帶賜之曰飲我酒服我帶疾其有瘳乎德臣泣謝宋龍州守將王德新遣所親願効順以郡民為祈奏

如其請進攻長寧拔之斬守將王佐帝東下德臣為先鋒抵大獲山奪水門宋將楊大淵遣子乞活數萬人命引至帝前為請旦日大淵率衆降已而運山青居大梁皆降攻釣魚山守臣王堅負險五月不下德臣單騎至城下大呼曰王堅我來活汝一城軍民宜早降語未既幾為飛石所中遂感疾帝遣使問勞俾還益昌奏曰陛下尊為天子猶冒寒暑服勞于外臣待罪行伍死其分也又遣丞相兀真賜湯劑卒不起年三十有六中統三年追封龍西公諡忠烈子六人長惟正次惟賢大司徒惟和昭文館大學士惟明以質

四十六

三十二

元史列傳卷四十二

五

子為元帥惟能征西都元帥惟純權便宜都總帥良臣年十六七即從兄德臣出征每戰輒當前鋒以功擢裨帥兼便宜都府叅議癸丑歲以德臣薦為華昌帥領所部兵屯田白水蜀邊寨不敢復出鈔略憲宗親征軍至六盤良臣還鞏昌供億所須事集而民不擾詔權便宜總帥府事良臣奏願與兄德臣効力定四川帝曰行軍餽餉所係不輕汝任其責自可立功良臣既奉命治橋梁平道路營舟車水陸無壅儲積充軻有旨賜黃金弓矢旌其能世祖即位阿藍台兒渾都海逆命劫六盤府庫西垂騷動詔良臣討之

兵至山丹置營按兵不戰者凡二月俄大舉至耀碑谷兩軍相當良臣慷慨誓諸將曰今日之事係國安危勝則富貴可保敗則身戮家亡苟能用命縱死行間不失忠孝之名衆聞踴躍而前會大風揚沙晝晦良臣手刃數十人賊勢沮衆軍乘勝擣之賊大潰獲阿蓋台兒渾都海殺之西鄙輯寧捷聞賜金虎符權便宜都總帥中統二年火里板復討平之入覲賜燕屢稱其功良臣拜謝曰臣奉諸王成算何功之有世祖嘉其能讓復賜金鞍甲胄弓矢轉同簽筆昌路便宜都總帥宋將咎萬壽帥戰船二百沂江而上欲掩

元史列傳卷四十二

六

陶宗明

青居良臣伏甲數十艘其後身先逆戰萬壽敗走伏發幾獲之三年授閬達廣安順慶等路征南都元帥良臣以釣魚山險絕不可攻奏請就近地築城曰武勝以扼其往來四年春良臣攻重慶命元帥康土禿先驅與宋將朱禔孫兵交良臣塞其歸路引兵橫擊之斷敵兵爲二敵敗走趨城不得入盡殺之至元六年授東川副統軍八年兄子惟正請於朝謂良臣久勞戎行乞身代之九年復授良臣昭勇大將軍華昌等二十四處便宜都總帥兼本路諸軍奧魯總管明年召入帝曰成都被兵久須卿安集之授鎮國上將

軍樞密副使西川行樞密院事蜀人安之十一年進攻嘉定咎萬壽堅守不出良臣度有伏兵大搜山谷果得而殺之進壘薄城萬壽悉軍出戰大破之伏尸蔽江萬壽乞降良臣奏免其死居民按堵良臣統兵順流而下紫雲瀘叙相繼款附還圍重慶十三年宋涪州安撫楊立帥兵救重慶者再良臣皆敗走之宋安撫張玘遣將乘虛襲據瀘州良臣還軍平之復攻重慶十五年春張玘悉衆襲戰良臣奮擊大破之身中四矢明日督戰益急玘所部趙安開門納降玘潛逃良臣禁俘掠發粟賑饑民大悅四川悉平捷聞世祖

元史列傳卷四十二

七

沈茂

喜甚召良臣入覲授資善大夫中書左丞行四川中書省事賜白貂裘良臣陳治蜀十五事世祖喜納良臣至成都以蜀瘡痍之餘極意循撫行省罷改授安西王相不赴十八年夏疾卒年五十一贈儀同三司諡忠惠加贈推誠保德宣力功臣儀同三司陝西等處行中書省平章政事柱國追封梁國公子七人惟勤雲南諸路行省平章政事惟簡保寧萬戶惟某同知屯田總管府事惟永征西都元帥惟恭階州同知惟仁人匠總管達魯花赤惟新漢軍千戶惟正字公理幼穎悟歲書二萬卷喜從文士論議古

今治亂尤喜談兵時出游獵則勒從騎為攻守狀父卒于軍皇姪壽王俾權散父爵守青居山世祖即位遂真授焉初憲宗遣渾都海以騎兵二萬守六盤又遣乞台不花守青居至是渾都海叛乞台不花發兵為應惟正即命力士縛乞台不花殺之世祖嘉其功詔東川軍事悉聽處分中統二年入朝賜甲冑寶鞍三年詔還鞏昌部長火都叛民大擾惟正謂將吏曰火都今若獬犬方肆狂齧苟一戰不利則城邑為墟當勝以不戰乃發兵踵之賊欲戰不得休則撓之若是者兩月知其糧盡勢蹙曰可矣與戰屢捷火都遣三

元史列傳卷四十二

八

沈茂

十人來約降即遣其十人還俾火都自來因潛兵躡其後出其不意擒殺之至元七年宋人修合州詔立武勝軍以拒之惟正臨嘉陵江作柵阨其水道夜懸燈柵間編竹為籠中置火炬順地勢轉走照百步外以防不虞宋人知有備不敢近九年帥兵掠忠涪獲今簿各一破寨七擒守將六降戶千六百有奇捕虜五百會丞相伯顏克襄陽議取宋惟正奏曰蜀未下者數城耳宜併力攻除抗本根既拔此將焉往願以本兵由嘉陵下夔峽與伯顏會錢塘帝優詔荅曰四川事重舍卿誰託異日蜀平功豈伯顏下邪未幾兩

川樞密院合兵圍重慶命益兵助之惟正奪其洪崖門獲宋將何統制皇子安西王出鎮秦蜀召惟正還十四年冬皇子北伐而藩王土魯叛於六盤王相府命別速帶領兵進討惟正為副別速帶不習兵師行無紀惟正為正部曲肅行陳嚴斥侯凡軍政一倚重焉進次平涼簡鞏兵銳者八十人與俱至六盤土魯先據西山惟正分安西兵為左右翼鞏兵獨居中去土魯一里許皆下馬手弓土魯遣百騎突陳惟正令引滿毋發將及又命曰視必中而發於是矢下如雨突騎中者三之一餘盡馳還土魯軍遂走惟正麾兵逐之三踰山至蕭河擒叛將

元史列傳卷四十二

九

燕只哥復進兵土魯亦就擒安西王至惟正迎謁王歷稱其功明日大燕賞以金尊杯貂裘王妃賜其母珠絡帽衣且曰吾皇家兒婦也為汝母製衣汝母真福人也詔惟正入朝世祖推玉食食之賜白金五千兩錦衣一襲授金吾衛上將軍開城路宣慰使十七年遷龍虎衛上將軍中書左丞行秦蜀中書省事賜玉帶以省治在長安去蜀遠乃命惟正分省于蜀蜀土蕃羅兵革民無完居一聞馬嘶輒奔竄避匿惟正留意撫循人便安之二十年進階資德大夫二十二年改授陝西行中書省左丞入覲上都得腹疾還至華

州卒年四十四謚貞肅二子嗣昌武略將軍成都管軍副萬戶壽昌資德大夫江南行御史臺中丞

史天澤 格

史天澤字潤甫秉直季子也身長八尺音如洪鍾善騎射勇力絕人從其兄天倪即真定乙酉天倪遣護送其母歸北京既而天倪爲武仙所害府僚王縉王守道追及天澤於燕曰變起倉猝部曲散走多在近郊公能迴轡南行不招自至矣天澤毅然曰兄弟之讎義所當復雖死不避況未必死邪即傾貲裝易甲仗南還行次滿城得士馬甚衆天澤攝行軍事遣監軍

元史列傳卷四十二

十

南陽

李伯祐詣國王李魯言狀且乞濟師天澤時爲帳前軍統領李魯承制命紹兄職爲都元帥俾笑乃解將蒙古軍三千人援之合勢進攻盧奴仙驍將葛鐵槍者擁衆萬人來拒戰天澤迎擊之身先士卒勇氣百倍賊退阻派河乘夜而遁天澤追及之生擒葛鐵槍餘衆悉潰獲其兵甲輜重軍威大振遂下中山略無極拔趙州進軍野頭會天澤兄天安亦提兵來赴擊仙敗之仙奔雙門遂復真定未幾宋大名總管彭義斌陰與仙合欲取真定天澤同笑乃解扼諸贊皇仙不得進義斌勢蹙焚山自守天澤遣銳卒伍十摧鋒

而入自以鐵騎繼其後縛義斌斬之未幾仙復令謀者結死士於城中大層寺爲內應夜斬關而入據其城天澤引步卒數十踰城東出至藁城求援於董俊俊授以銳卒數百夜赴真定而笑乃解兵亦至捕叛者三百餘人仙從數騎走保西山抱犢岩笑乃解怒忿民之從賊驅萬餘人將殺之天澤曰彼皆吾民但爲賊所脅耳殺之何罪力爭得釋乃繕城壁立樓櫓爲不可犯之計招集流散存恤困窮以抱犢諸岩仙之巢穴不即剪覆終遺後患急攻下之仙乃遁去繼又取蟻尖馬武等砦而相衛亦降已丑太宗即位議

三十二

元史列傳卷四十二

十一

倪舍賓

立三萬戶分統漢兵天澤適入覲命爲真定河間大名東平濟南五路萬戶庚寅冬武仙復屯兵於衛天澤合諸軍圍之金將完顏合達以衆十萬來援戰不利諸將皆北天澤獨以千人繞出其後敗一都尉軍與大軍合攻之仙逸去遂復衛州壬辰春太宗由白波渡河詔天澤以兵由孟津會河南至則睿宗已破合達軍于三峰山乃命略地京東招降太康柘縣瓦岡睢州追斬金將完顏慶山奴於陽邑夏帝北還留睿宗搃兵圍汴癸巳春金主突圍而出令完顏白撒自黃龍岡來襲新衛天澤率輕騎馳赴之比至圍已